

河
洛
真
數

陳邵二先生河洛真數易卦釋義下經中卷

潁川後學默菴李學詩校正

夫揚于王庭。孚號有厲。告自邑。不利即戎。利有攸往。
象曰。澤上於天。夫君子以施祿及下。居德則忌。
澤在地上。則無決之理。在天上。其勢必決。有天下
者。施爲祿澤。以子惠群生。得夫之大善也。鹿藿組
橋之類。豈終爲吾有哉。若夫居德則不然。居仁
定而不動。握安止而不放。失之謂也。聖賢成德。
夫全在一居字上。設或意念微動。即夫矣。爲放逸
而無忌憚。陷乎其莫御矣。是故祿宜夫也。居德

則忌也坤宮五世卦屬三月納甲是甲子甲寅甲辰借用壬子壬寅壬辰丁亥丁酉丁未如生於三月及納甲本命者功名富貴人也乾兌二体屬金秋正旺

邵子曰五陽一陰五君子去一小人決無不勝之理雖然五爻去小人者惟九二爻而已餘皆無剛決之志也得之者剛明大度正直循良雖能容人不能恕物福祿之享不亦宜乎若夫事物之來幾持不斷置之於邊留失利失時多遭刑戮此病厄之象也

初九壯于前趾往不勝爲咎。象曰：不勝而往，咎也。夫者，雖君子決去小人之象。初九剛體在下，躁於先動，故戒以壯於前趾。謂當謹審而後往，不勝則爲咎矣。凡行而有咎者，皆決之過也。元數他卦：叶吉，地位卑，志氣大，勇進力行，不怯不惧，然躁動之中終有一失。元數他卦：不叶，無德者也，逞志誇能，處下爭高，若不安分順時，禍多矣。歲運逢之，最要謹審，不宜輕動求名利，尤宜戒之，則免禍矣。

邵曰：位卑力薄，若不自量，壯於足趾而前進，不惟

力所不勝反退以致咎也得之者立性正直剛介
敢爲是者是之非者非之不阿世以取容多因此
而致謗

九二惕號莫夜有戎勿恤○象曰有戎勿恤得中道
也○

九二處中居柔不爲過剛能知戒脩內懷惕懼外
嚴戒號雖莫夜有兵戎之變亦可勿憂恤矣象謂
能不恃衆以過剛而得中道也元數他卦叶吉
大才大德不惡而嚴量敵慮勝識勢知時中道而
行不偏不倚是以去邪輔正建勲立業者也元

數他卦不叶多謀多變憂喜不常或進或退動靜不一或事公而得祿或從戎而得名半文半武半僧半道

歲運逢之在仕路者或帶兵刑爲士子者必遂科名惟事係時危不容安靜常俗爭訟終不吉其他謀望宜謹審爲佳但有暗昧之憂也

邵曰以陽居中決意以去小人是以惕然恐懼號呼於暮夜之間也得之者不爲威屈不爲利回不親比所睚得非於人亦所不免然而爭競是非喪服外變惟謹慎爲佳

九三壯於頄有凶○君子夬夬獨行遇雨○若濡有愠○无咎○
象曰○君子夬夬終无咎也○

上六爲一卦之小人○三獨應之○是遇雨也○上必濡
於三矣○三之宜有愠者○不惡而嚴也○決而又冲○力
以去之○又當默運於心○不可怒形於面○壯于頄○此
怒形於面也○如是則能去小人而免于咎矣○元
數他卦○叶吉○則才大志剛○機深慮遠○棄異而助同
去污而自潔○能任朝廷大事○不施之以力而運之
以心○足以撥亂反正○立身揚名者也○元數他卦
不叶處○正邪之病○問無終始之定○見諫之則怒起○

設之則喜生不常之人也或是孤立或有受用
歲運逢之從正人君子爲事則吉信下輩小人用
事則凶親近善類遠絕浮邪幾會之來未宜急進
先見艱難險阻後却平靜

邵曰九二與上六相應是君子與小人相與不能
決意以去之凶莫甚焉得之者骯介剛直怒形於
面有果斷之幹而惡人不容無僥倖躁進之謀有
頭目終身之痼得陰人和悅之吉防盜賊喪服之
憂

九四臂無膚其行次且羴羊悔亡聞言不信象曰

其行次且位不當也聞言不信聰不明也

陽居陰位不正臂者坐也諸陽盛大獨碍於前以致傷膚於下不可坐矣不可遂行矣且與上大小人同体次且弗進豈處夫之道乎若能與衆陽進則悔可亡也然九四聞斯言不信何也其聰不明也是非邪正以昏蔽之安得信乎元數他卦叶吉者有譽之人也居止不定進退不一又孰已見不聽群言宜去污就潔絕邪附正可以保公道無失元數他卦不叶名利皆不實奔馳勞役或改祖外立多學心疑有名祿不受用或生病患起

坐艱辛

歲運逢之仕路進退去住不定士人進取最宜起
殿策者第一也蓋臂無下之肉字即是殿頭之兆
他人在後次且不前也常人公訟必有杖責或皮
血瘡瘍或耳目是災

邵曰九四居三陽之上如臂之無膚不
能安坐行次身爲之言而不能信亦不敢察祇爲
憂懼而已得之疑懼是非進退膝滯臍臍足臂
之疾在所不免自是拒諫之心咎孰甚焉

九五、菟陸夬夬中行无咎

象曰、中行无咎中未光

也

易中說中行字皆是指君爻如泰二爻益三四爻是也夬卦五爻分曉矣覓字音賢苑萊也陸高格也喻上六小人在高位也夬夬者中行之君決之又決則无咎矣元數他卦叶吉中正之德剛大之才勇以去邪嚴以御下可以爲長久之計元數他卦不叶吉弱於自己強於他人當行怯行欲決不決若能固守正道改過從正則有成立歲運逢之利動不利靜久而未決者今將決矣夫仕路雖遷未爲穩當若求名利未稱施設又云覓

生於三月葉柔根堅而赤赤者乾之色兌菜者遠
荒之野是也莧音倪字陸大路也莧葉柔根堅者
兌之剛也

邵曰莧蓍草也商澤草也二種小人之近君子者
也九五陽剛居中又得群陽爲之助得中行之道
無私睚於小人是可以无咎矣得之者舉謀雖易
成就則難縱得先成亦多反覆

上六無號終有咎 象曰無號之凶終不可長也

上六正小人居上位之爻也始焉號衆君子爲黨
今夫之極其計窮矣勢盡時悖非惟無可號又

且見凶矣。元數無卦叶吉。雖爲富貴。恃高壓衆。盜柄弄權。陰賊善良。終不永久。如納甲歸元數。他卦生於及時。變乾之亢。龍有悔。能全其貴。不至於有悔而全其終也。元數他卦不叶已。忌於無忌。忌於已。小小活計。尚可延年。有大際遇。不長久。幾歲運逢之。恐生悲泣。或見剝辱。老則不壽。邵曰。處夫之極。陰消時盡。以極盛之君子。決既衰之小人。計窮勢盡。且見凶。得之者福薄。基淺只可朝營暮逐。碌碌於百種之中。方享平安之占。石夫老少病癰。散財刑戮之變。宜思患而預防之也。

姤女狀勿用取吝。象曰：天下有風，姤后以施命誥四方。

風爲天之命令。巽之申命是也。天下有風，與風行地上不同。君后命令播告四方，即風自天而行之於下也。天下風行，即萬物遇天之鼓舞矣。君以命告，則萬姓遇君之教化矣。乾宮初世卦，屬五月納甲，是辛丑、辛亥、辛酉、壬午、壬申、壬戌，借用甲午、甲申、甲戌，如生於五月及納甲本命者，功名富貴人也。

邵曰：姤遇也。一陰而居五陽之下，又巽爲長女，陰

雖微而日盛陽雖壯而日衰故勿用取女也得之者剛柔相濟緊慢不調發福發財多因知遇起家立業恒自妻賢若夫女子雖貴不過惟爲寵妾而已否則白頭之約有非一夫可到

初六繫於金柅貞吉有攸往見凶羸豕孚蹢躅象曰繫於金柅柔道牽也

易中警小人則言羸論君子則言壯此卦辭久之義也一陰初生如豕之弱人之所忽也繫之於九二金柅使柔道有所牽制不進則貞正君子得以安吉矣元數他卦叶吉學古之勤行道之力勸

有艱阻不能施設知幾而止識勢而退庶無謗貶之咎 元數他卦不叶才短人微心常不足躁求妄進禍以傷身惟宜知難安分則免禍矣

歲運逢之仕路宜撓定見不可輕謀或遇尊貴信用或得金帛進入或陰人生育只要靜心養性則災厄自平數凶者災厄難免也

邵曰九二爲乾金柅乃制動之器初六繫柅固則吉若有所往如羸憊之豕跳躍而難制必有咎得之者毋事常預爲之防不可信直輕易若往他方必有阻滯或是傷妻若不立妾再娶可也

九二必有魚无咎不利賓 象曰包有魚義不及賓

也

古以魚爲民此卦初六是也又不可拘六爲小人也夫陰者陽之所求也衆陽皆欲求陰惟九二近而遇早矣故曰包有魚也賓指四言謂初本是四之所有今二有之則不及四之賓矣 元數他卦叶吉大才寬量容物愛民得賢者佐助民心服從平生爲事待彼求而後應則利宜不動也 元數他卦不叶鄙吝富人不得朋友損人益己坐守無變

歲運逢之仕途有賜金魚銀魚之兆庶俗有財
女人有孕只宜守舊不宜遷出

邵曰初六之魚合爲九四有初六迫于九二爲
而有之故不利九四在外之賓也得之者平生非
所有而有之非所得而得之陰貴提携謀望稱意
故有骨肉雖近而不得交遊雖遠而相親者又恐
有奴僕室家之災餘非所忌

九三臀無膚其行次且厲无大咎 象曰其行次且
行未牽也

九三求初之魚爲二所隔若臀之無膚故不安其

處欲去而不能舍故其行次且若知其非正而懷
危厲之惧則无大咎矣既知爲危厲而行亦未至
于牽制也 元數他卦叶吉求名利則有艱難靜
則不安動則有阻度勢而行知幾而退不可係
則宜棄捨如是則有所立若納甲歸元入局則變
訟六三食舊德或承祖父之恩或守田業有忠無
私 如元數不歸兼卦不叶者或見疾患腰乏故
行不行爲事艱辛

歲運逢之與夬卦九四之說大同小異仕路進退
不定士人利于殿試常俗不利必有公訟杖責或

生瘡疾坐起艱辛

邵曰九三居二之上不安其位如臂之無膚三慕初之行而往求之知其爲二所有欲行次且而不能進也得之者進退反復亦宜見幾而作故多无咎又主有皮膚之疾

九四包無魚起凶象曰無魚之凶遠民也

九四非無陽剛之德以包納初六然包而無魚者四爲初應遠不相及又初而爲二所有九四無中正之德宜吾民之歸二而去我也起者舉也无民而舉事安得不凶蓋因無德而遠民矣元數他

卦不叶求名利幾會多失從有卑官不能容民或
遭踐逐如他卦叶吉只可知幾守正或得或失
付之自然則無禍患

歲運逢之在仕者必是退閑所謀者虛而不實老
者不利壽

邵曰初六魚也而爲九二有之九四不可得若不
安於命義而爭奪之則凶矣得之者相應不相得
相親而反踈交遊親故悉如之安於命分反求諸
已可也若或眷顧多端徘徊岐路則怨爭成而意
外之禍至矣

九五以杞包瓜含章有隕自天。象曰九五含章中正也有隕自天志不舍命也。

九五九二剛遇中正之時也五如杞葉之高俯包瓜實之美二奉君命而不捨如命從天降則起盍歸之志也君臣相遇之盛如此元數他卦叶吉正大君子寬洪之量包納群生内含文章志不違君足以繼來學開太平者也元數他卦不叶學問之勤終不負志才業之盛自不費心

歲運逢之在仕路地位高者爲棟梁之材矣次者必見加秩其章字爲缺章平章文章是也天學謂

爲名天府天恩亦是也常人多遇尊貴提挈所圖
必厚或陰人孕育之喜

邵曰九五去初最遠二爲正應故用九二以止初
六之進故九五內含章美如有物自天而墜也得
之者雖有起家立業之命不可无成家立業之人
事至物來資人爲用是以無心之機會每得而意
外之變故自消矣

上九姤其角吝无咎 象曰姤其角上窮吝也

大壮九三羸其角晉上九晉其角九三之角角在
我也如上九姤其角角在彼而我遇之也上有剛

德處高位不屈之地以我之高遇彼之觸有吝宜
矣何咎之有哉吾道之窮而已安之可也仲尼道
大天下莫能容是也 元數他卦叶吉高名清譽
之君子才德爲天下之可法出衆冠倫惟恐忠言
正論見阻於邪議也 元數他卦不叶動處遇爭
自尊自大不能服衆徒結冤仇

歲運逢之進取必占魁僧道遇選必爲住持仕路
多生猜忌急流勇退則免禍矣

邵曰上九處姤之極下與三相應窮極之兆者也
得之者窮則變變則通不經變故窮困之久何久

見軒豁奮騰之榮進退憂疑成敗作輟大抵不經一番寒徹骨那得梅花噴鼻香

萃王假有廟利見大人亨利貞用大牲吉利有攸往象曰澤上於地萃君子以除戒器戒不虞

萃聚也聚富有之謂也鹿臺鉅橋能不聚矣果亨乎萃者人心始聚之時翕然大同舍孝享一事則不可聚矣易卦六十四惟萃彖象有一孝字聖人之意深矣孝享之心人人所同此正教化第一先務方聚之初而不教以孝則夷狄禽獸之聚何別乎聚者散之源澤水之聚也豈有聚而不散者乎

君子宜防也。物聚則爭。人聚則亂。除戒器。戒不虞。
是有備而無患也。兌宮三世卦。屬六月納甲。是乙
未乙巳乙卯丁亥丁酉丁未。借用癸未癸巳癸卯。
如生於六月及納甲本命者。功名富貴人也。

邵曰。澤在地上。物之聚也。坤順兌悅。人心之聚也。
物備人和。王者至廟行禮。以係天下之心也。得之
者。稟性溫和。每善積聚。常懷孝弟。頗享康年。人口
雖進而爲用者。則難乎其人得意中。而或然之變。
恒自平居。所謂平地起風波。此其象也。若夫除戒
器。戒不虞之說。豈誣我乎。

初六有孚不終乃亂乃萃若號一握為笑勿恤往无咎象曰乃亂乃萃其志亂也

初與二三同類而二三小人也初始從四之君子且隔於二三若從二三則私於同類歆從君子其始有孚也復歆從小人有孚而不終也聖人曉之曰尔何志亂而妄與小人聚乎尔何不號鳴以求四之應乎四必能察尔初心之孚與爾一笑而相聚矣爾何憂而不往乎往則无咎决矣此始開示初六陰陽漸合之塗也元數他卦叶吉先非後是先散後合棄逆就順復歸於初改過自新可求

名求利或聚散不一或文武相兼 元數他卦不
叶憂喜不常邪正無定真小人之態度但宜改過
自新固守本分則無禍矣

歲運逢之先凶後吉或悲喜同臨宜棄一就一反
邪歸正棄近從遠則有際遇如此不問士農工商
皆如意也

邵曰初六陰柔居下與九四陽剛爲正應其始則
有孚也然不能固守乃爲二三惑亂而睚眦萃聚
若隍號呼以求正應則无咎矣得之者牧已以誠
待人以惠委任戒在無心招尤恒於信直至終矣

遊始終難乎其克一反目反噬而讒將作矣然則胡爲而後可其惟寬容弗較焉耳

六二引吉无咎○孚乃利用禴○象曰引吉无咎○中未變也○

六二萃之時當聚散之正應今下體皆陰易於苟合故初六終笑三嗟故皆往而无咎二中正上應於五五亦中正故與初三不同然群陰同處或爲所動則其中變矣必要引導其類上從正應則吉而无咎惟君子中未變者能之也大抵從邪者必樂於浮華守正者必安於質實二能使初三從我

之正則是舍浮華而就質此所以爲利用禴也
元數他卦叶吉大才厚德之賢臣宏量容物和氣
待人能引導善類或起其趨事赴功之心不在浮
華事務質實臨事有一定之見而無變也 元數
他卦不叶吉雖非富貴當遇尊上汲引專心卓立
所爲誠實不虛不偽

歲運逢之爲薦引爲文引爲通引援引爲太中中
奉終事中中書皆是也士人必有進身之階矣選
人未改而得文字之用數凶者變困利用享祀之
兆有祭祀之象也

邵曰此爻中正而應九五故無冒進之咎君臣相信不尚虛文是用菲薄以爲禴也得之者幾會雖可乘而自棄者難與進取事臨危而得救財既散而復收雖是非於小人尚有賴於達者

六三萃如嗟如无攸利往无咎小吝 象曰往无咎上巽也

六三挾陰柔不中王之資其誰納我故進求聚於四之君子則四非其類而不答退求聚於二之大臣則二非其應而不與兩求不合則戚嗟無歸又何所利聖人憐之曰何往從上六巽順之正

虞幾無咎。然終不免小吝也。元數他卦叶吉。
先無定見。歷涉艱辛。後宜變更。遠者濟遇。元數
他卦不叶。似萃似嗟。惶惑不定。爲不正之常態。施
設不就。惟宜棄祖從外。則有成家也。

歲運逢之。不宜守舊。變改有濟。先有艱難。後皆是
福。常人主家下不安靜。或陰小坎坷。或者不利。
邵曰。位不中正。不能振拔。而與群陰萃聚。誠可嗟
嘆。惟宜往求上六之正應。故得无咎。得之者時運
不齊。命途多塞。內無得力。外鮮拯拔。是宜自奮。發
顛沛之中。以求發身成立之道。可也。否則陰人牽

惹而嗟怨生喪服口舌與夫不測之災將有不得而逃者矣

九四大吉无咎。象曰大吉无咎位不當也。

陽剛居四而群陰承之天下之心于我乎聚焉以人君之事非大臣所得專也必大吉而後可以無咎。何謂大臣伊周以之。元數他卦叶吉近君秉權之大臣必能柔順謙遜如未居其位之時有不敢當其位之意則大吉而无咎矣。元數他卦不叶雖有大才大志無德可守非出于國則害于家矣。

歲運逢之惟宜公正行事則仕路無猜忌之謗或
棄高就下急流勇退則吉常人用事不從正道皆
有禍矣惟大德君子可以改禍爲福也不可以太
吉爲好事言也

邵曰以陽居陰所處不正必須大吉方免无咎由
其位之不常也得之者富貴福澤恒因變故中來
破敗憂危所宜經歷不免上人遇此卦則得下人
之力下人遇此卦則蒙上人之寵信不誣也

九五萃有位无咎匪孚元永貞悔亡象曰萃有位
志未光也

當天下之已孚而惕然懷天下匪孚之憂當忘意
之光大而歎然有未光大之志可謂元來貞矣宜
其久安長治有聚無散而悔吝消矣元數他卦
叶吉名重位高不以爲榮久信而從不以爲悅常
懷畏謹如此故能長久富貴而不憂矣元數他
卦不叶不能謹畏權出他人雖有虛位豈能光大
乎

歲運逢之求名求利二事不虛但宜固守不以得
爲喜則无咎盖有未光之辭也

邵曰陽剛居中天下聚而尊之故无咎然人心不

齊不能孚信。故須用永久貞固之德。則悔亡矣。得之者有位。則須享富貴。无位則發福。謗毀以直而招煩惱。由恩而致親戚少恩。意外宜謹。

上六。齋咨涕洟。无咎。象曰。齋咨涕洟。未安上也。

齋咨。嗟嘆也。目出曰涕。鼻出曰洟。初之號三之嗟。上之齋咨。合陰柔之常態。而上乃以此无咎。何也。下体三陰皆聚矣。獨上六陰柔居于二陽之上。人所不與。可一朝安乎。但齋咨涕洟而已。然非有他也。未安于上也。能如是。故无咎矣。元數他卦叶吉。其心本正。其才本實。但身高位極。不能安定。若

能臨至樂以至憂之心處已安以未安之慮庶乎
無禍矣 元數他卦不叶懦而無立憂愁思慮去
住不安小小成就

歲運逢之不能安靜事來繁雜士農工商皆是
此或有上下逼迫或長幼憂悲之事

邵曰一陰居二陽之上處萃之極故頭出弟以求
聚則无咎也得之者雖曰既富而多男抑且變生
意外或者喪服交來閨門啾唧更宜莫親閑事恐
惹池魚之咎也

升元亨用見大人勿恤南征吉 象曰地中生木升

君子以順德積小以高大。

木自地中生根勾萌甲拆其初甚微升於土中以
至于雲蔽日非一元之運安有高卑小大之異也。
夫棟梁拱把之積也。聖人小善之積也。在積之有
漸進不已耳。而異端者竟超直入欺哉。震宮四世
卦屬八月納甲是辛丑辛亥辛酉癸丑癸亥癸酉
借用乙丑乙亥乙酉如生於八月及納甲本命者
富貴人也。

邵曰合抱之木由卑微以基之也得之者福位崇
高而克開家業必有先見。惟剝後方大成諺云不

遇一番寒徹骨。怎得梅花實。鼻香。柳且貴人協力。而喜三陽後日生也。

初六。允升大吉。象曰。允升大吉。上合志也。

木與土相信而相得。則木之升也必銳。士與君相信而相得。則士之升也必達。故曰上合志也。或問初合者。誰曰應四。是也。初六。木之始生也。六四。土之最下而生。夫木者也。四爲文王岐山之事。則初是呂望渭濱之事。元數他卦。叶吉。升爲棟梁之材。是以扶危濟顛。非小小器局也。元數他卦。不叶。雖處幽隱。名望遠彰。非富非貴。誠信吉人。

歲運逢之上下合志尊卑一心仕路升遷不次擢用常俗亦利

邵曰居柔巽之下附九二剛中之正允信而與之同升乃爲至大之吉蓋九二巽以相入故曰上合志也得之者正大處事信義立身或起家立業或高擢轉官而人謀之助不可無也

九二孚乃利用禴无咎 象曰九二之孚有喜也

初與二所居皆未正或不待上之信否而亟升則大不可故初九曰亢二曰孚大抵聖賢之所升未嘗不以質實通誠于上且如剛強之臣事柔弱之

主當升進之時非以誠意相孚其能无咎乎九二
剛中得是道也 元數他卦叶吉大德大才常執
中道一誠之實不雜浮華上信于君下信于民可
謂利物濟人之大臣也 元數他卦不叶非富非
貴不偽不華立身以誠結交以信知己自尋清名
日起

歲運逢之在仕自升不煩用力或升于學校或受
祭職士人成名常俗進喜有疾者安久靜者起數
凶者禱祭之兆非吉事乃危疑之地也

邵曰以陽居中正之位上應六五相孚而用菲薄

之禴祭也。待之者以忠信爲甲冑，以禮義爲干戈。遇主陰貴而有升進之喜，起家立業必有提掖之功。

九三升虛邑。象曰：升虛邑，无所疑也。

九三居陽而當升進之時，其上之三陰皆順從之，如入空虛無人之邑，孰禦之哉？無所疑滯也。元數他卦叶吉，大則爲食邑，小則爲縣邑，一心無阻，臨事不疑。元數他卦不叶，或習清虛身居空洞，所立活計皆自空來。

歲運逢之仕路升遷營商無阻縱有疑滯虛而

實數。凶變師或與尸則有悲憂至矣。

邵曰：上卦柔順升之何疑得之者多，因直心信用，非人以致悞事，勞而無功，弄巧成拙，更防刑傷之事。

六四：王用享于岐山，吉，无咎。象曰：王用享于岐山，順事也。

上順君之升，下順人之進，昔文王用此道，有順以事商，天下歸化，愈盛。文王避之，愈力，此其所以異于岐山之一隅而有三分之二也。吉莫大焉，又何咎矣。元數他卦叶吉，順以事上，謙以待下，益人

損已閑邪存誠以大臣至順之德也 歎卦不叶
吉多遇王公大臣之信或處山林或棄聲利惟順
惟守不躁不妄

歲運逢之居朝清職在俗增榮僧道領衆賢士隱
山皆是也數凶者有歸山之兆

邵曰柔順而居臣位此文王守臣節于岐也既而
亨通則內焉文明而僭迫之咎无矣得之者不驕
矜以自肆不尊大以自牧時既亨通命當顯達雖
有池魚之福用于梁燕之愚若能以順取逆則事
无不順矣

六五貞吉升階

象曰貞吉升階大得志也

下有剛中之應而本質則柔必守貞乃吉又當升
進剛中之賢使_解之有階而至則當致天下之大治
而得行其志也 元數他卦叶吉謙順之德而能
接天下之大賢共立天下之大功也 元數他卦
不叶必爲吉人善士守道立身進有次序動皆合
吉志在无私不見小利
歲運逢之士人成名仕遷朝職其大字得字爲官
資名譽之吉兆也

邵曰柔中居位故獲貞故得吉其升次階而進故

無僭越之非所以處高位而大得志也得之者不以權位而凌人不以財物而驕已安于命義无越分之爲防于躁進以謹樞機之害

上六○宜升○利于不息之身○象曰○宜升在上○消不當也○

上六處一卦之上○居升進之極○猶冥然蒙昧○求升而不已○且其消亡而不富也○若進德之君子○變而通之○反而用之○移小人貪利不息之邪心○爲君子求道不息之正心○何不利之有大哉○大易之道○豈一端而已乎○故訟之終○用之自訟則吉○隨之終○

隨用之說隨則凶。晉之初未可以速進。故貴于摧如之退。是故顏子之窮。進而未見其止。益之上不可以過益。故忌于或擊之傷。是大舜已老而謙則不溢。故曰神而明之。存乎其人。若夫陰邪而在上。而上而冥升終消亡不富。上六其能當之乎。元數兼卦。叶吉爲君子進德之勤。終有清廉之譽。元數兼卦。不叶爲小人貪利之切。難免辱身之累。歲運逢之。利行正道。退已進人事。乃有益焉。可用邪心。遭遇見升以求升進不已哉。惟宜榮處求退。不貪不求。守分知足。則吉。數凶兼卦。凶則有凶。冥

之兆也

邵曰上六處升之極。冥昧于進。所利者在于貞固。急于進德修行。苟不知止。其威勢消滅。則不能富益矣。得之者有可進之理。然不量力。知幾早而退步。有意外之災咎也。

困亨貞。大人吉。无咎。有言不信。象曰。澤无水。困。君子以致命遂志。

水在澤下。則涸矣。人之窮乏者似之。經曰。樂天知命。真知命矣。窮達得喪。死生禍福之變。莫不順受。豈足爲吾休戚哉。惟知命。故能遂志。是所謂困而

不失其所享其惟君子乎。兌宮一世卦屬五、
甲是戊寅戊辰戊午丁亥丁酉丁未如生於
及納甲本命者功名富貴人也。

邵曰九二陽剛爲初六六三所困而九四九五爲
六三上六所困皆小人困君子之象而其心則何
累焉得之者小人妬害固所不免君子處變心自
亨通其稟性必多猜疑其遇事必能仔細

初六臀困于株木入于幽谷三歲不覿。象曰入于
幽谷幽不明也。

初六居下而四之剛陽不能庇之如臀困于根株。

無枝葉之木而不得安則益迷困而入于幽暗之
谷是陷于幽暗不明之處也元數他卦叶吉改
祖規模棲身若谷視富貴如浮雲棄功名如敝屣
元數他卦不叶自警自立有智有才動見難阻不
能用世

歲運逢之利靜不利動有清閑中得福不宜求薦
舉入學則利數凶者不宜壽蓋下喬木入幽谷或
憂驚服制或次且進退不安也

邵曰初與二相與以困九二之君子然互為離體
乃枯槁之木不足以自立也且九二居北方幽暗

之地若出必歷坎卦三爻故有三歲不見之凶
得之者散財物歷艱難人情不合詞訟迭興相擠
排陷如入深谷而无所庇祐也若夫手足之疾可
弗謹乎

九二困于酒食朱紱方來利用享祀征凶无咎
象曰困于酒食中有慶也

九二剛中之才處困之時所困者酒食不能澤及
于人也然九五之君服朱紱之服方且來為我之
應後我之所利用者盡其誠也如享祀則自然感
通也若不盡誠俟命而上進以求之則凶而无所

怨咎于人矣能守剛中則必有慶 元數他卦叶
吉大才重德利物濟人固守一誠知己自遇遇時
多艱難以立功大抵必待彼之求而後應則无過
失之患其有官者吉兆爲祭酒爲繡衣爲方面爲
配享爲侍中中書中丞中奉之類皆是也 元數
他卦不叶好酒貪饗或入朱門或爲師巫
歲運逢之閑官必起天者自來農商獲利更有喜
事守靜多吉動則防凶數不叶無卦凶者有喪服
之事

邵曰九二有剛中之德以處困時雖无凶害而

困于得其所欲之多故其象如此而其占利于享
祀若征行則凶而于義爲无咎也得之者是雖飲
食豐裕尤恐過飲致疾防小人是非以其傾陷正
士名利儘可進取橫逆須當退步

六三困于石據于蒺藜入于其宮不見其妻凶
象曰據于蒺藜乘剛也入于其宮不見其妻不祥也
六三進則困于二陽如石壓其上退則乘于一陽
如棘刺其下下交初六之鄰則沮于九二之陽而
不得出其舍上求上六之援則隔于五四之陽而
不得親其耦於是外敵交至而反爲君子之所持

親戚皆叛而盡失小人之助也 元數他卦叶吉

有才有志行坐不安或孤妻子 數卦不叶唯宜

養志泉石隱跡林野宮殿寺舍皆有所立

歲運逢之繕城壘處棘園閑官入朝仕路當權或
在外鄉或孤妻妾宜進取秋闈南宮赴省必中也
數凶者名辱身危死期将至安有妻乎

邵曰陰柔而不中正故剛如石之堅又處九二之
蒺藜不可進入亥退而入其所居之室不見其
是不祥也得之者由主上以知遇因小人而破
立身所以招怨妻奴難乎百年若夫子以則憂無

患矣

九四來徐徐困于金車吝有終。象曰來徐徐志在下也。雖不當位有與也。

九四欲得初濟困而阻于二故初之來徐徐也是困于二之金車矣初乃正應如此可吝也然終歸于正故有終象言志在下者求初也。元數他卦叶吉見名雖早食祿尤遲求仕不在速得遇不在近其金字金榜金門是也。元數他卦不叶先難後易事多難幹或依附尊貴而得成立或受制尊貴而不自由。

歲運逢之。開官赴詔。事有兼權。進取利名。必須再就。事多緩成。選人改秩。庶俗獲利。

邵曰。處位不當。不能濟物。而初六方困于下。又爲九二所隔。然邪不勝正。故其占雖爲可吝。而必有終也。得之者處事遲緩。命途反覆。故爲志有餘而力不逮。是必先難而後易也。

九五。劓刖。困于赤紱。乃徐有說。利用祭祀。象曰。劓刖。志未得也。乃徐有說。以中直也。利用祭祀。受福也。

九五。其上下皆陰。是劓刖之小人。爲困使赤紱之

臣未來輔已終乃徐有喜說五常利用盡誠如祭祀然先守以中直之道後受其福也 元數他卦叶吉勤于學古力于行道始焉進取艱阻終焉機會適逢或居言語除邪或為大臣配享 元數他卦不叶先窮後達身軀刑傷一心中直晚有受用歲運逢之仕路先阻後順為中奉奉直之類為社令為祭酒為祀享之事常人得福士子名遲而後達數凶兼卦凶者又為喪祭也

邵曰九五當困之時上為陰撓下則乘剛然剛中而說体故能遲久而有說也得之者賦性明察

事果敢可掌兵刑生殺之權主有頭目手足之疾
然而小人是非又貴弗辨而已

上六困于葛藟于臲卼曰動悔有悔征吉 象曰困
于葛藟未當也動悔有悔吉行也

上六為困所纏處于窮高之地是葛藟臲卼者也
所動皆悔吝而有所改悔則征進而吉矣 元數
他卦叶吉本有正德清才柰自困不通遇機會不
進逢賢者不納多歷艱危一旦遇時改變前志還
得名利 元數他卦不叶身有拘束心有猜忌或
動或靜事有果決宜改祖行遠則見成立

歲運逢之宜動不宜靜士農工商皆當一變則吉
不然則愈受拘束也

邵曰以陰柔處困極故有困于葛藟于臲卼之象
然物窮則變故其占者若能悔則可以征而吉
也得之者家事動心外事觸念任使不可非其人
變更則能裕乎動

井改邑不改井无喪无得往來井井汔至亦未繙井
羸其羸凶 象曰木上有水井君子以勞民勸相
水下有木汲器入井也木上有水汲器出井也入
則水德行出則水功著此井象也井至深至卑何

以在木之上哉人實使之凡民生勸以自潤養者
皆汲水上木之謂也君子所以慰勞而勸相之使
弗懈歟震宮五世卦鶴三月納甲是辛丑辛亥辛
酉戊申戊戌戊子如生於三月及納甲本命者富
貴人也

邵曰古人作井必以木置井底以隔污泥以通泉
眼也得之者所持有定見所守有常業每懷利物
之心恒寄濟人之責慈恕有餘施恩不報更喜秋
冬之時月

初六井泥不食。舊井无禽。象曰井泥不食。下也。道

井无禽時舍也。

居一井之底。泥之不澄也。泉水不新也。井之可飲。可食者。潔清故也。今也泥而不潔。昏而不清。虫禽无一食之者。而况于人乎。元數他卦叶吉有德有才時不我用。未見名之。遂常嘆道之窮。元數他卦不叶者。身處卑下。求清未清。一成一敗。終爲棄廢。或有下部癰疾。上膈氣塞。

歲運逢之。在仕者退閑。求名者未遂。凡在常俗皆蹇滯也。

邵曰。初六以陰居下。蓋不泉而泥。人所不食。而禽

器亦莫之顧也。得之者宜守舊而不可輕于變更。人情乖謬。徒廢力而難成。求財無獲。更防火災。意外之虞。

九二井谷射鮒。甕敝漏。象曰井谷射鮒。无與也。

剛中才德非污濁之比。亘汲用濟物也。而乃在谷射鮒。魚何也。上无應與故也。非水之罪也。汲之之罪也。汲水器敝。豈能得此水而用之乎。以大者喻之。如孔子在衰周。止當甕敝之象。不得致君澤民。大展其才用。而但私淑於其徒。亦可嘆矣。元款。他卦叶吉。文章之高。道德之重。自處皆不掩明。

主養道全真樂天知命元數他卦不叶學海
勸名利之薄或生癖疾或見親孤

歲運逢之此之求速彼之應遲惟宜知幾固宜
理則無損失災危

邵曰九二剛中有象然上無正應下比初六功不
上行故其象如此得之者或儉吝而招怨或外越
于閨門凡事雖可進步尤宜謹守

九三井渫不食爲我心恻可用汲王明並受其福

象曰井渫不食行恻也求王明受福也

居下卦之上井水之潔清者也然未出井而不見

食則是道不行爲我心之側也。才本可用汲之濟。衆若遇王者聰明知其可而用之。則天下並受其福也。元數他卦叶吉奇才重望晦迹待時念念憂君機會適至足以扶社稷福生靈者也。元數他卦不叶貴不食祿富不用心少動多靜常是憂戚。

歲運逢之靜守待時自逢知己仕路將遷求名必遂。若先有憂危之事今且安靜爲福力之重也。數卦吉則有汲引之兆變坎險厄。

邵曰九三以陽居陽在下之上而未爲時用也。得。

之者事業既興而後輟故才智有餘而不見用所以勤勞成立不一也其或隱憂過慮主有意外之憂但宜興工動作必獲老年之慶

六四井甃无咎

象曰井甃无咎修井也

井口泉溢而將上出之時也不患人之莫已知而患己之莫能修井之不修井之咎也今既修焉又何咎哉故井一修則舊井爲新井學一修則舊學有新功元數他卦叶吉勤于學古力于行道運數相符適然道通足以施利人濟物之功也元數他卦不叶習學雖勤難逢知己惟宜改舊從

新則有成立

歲運逢之在仕者宜條陳利害或修築營壘庶修
政更或修造宅舍不宜守靜仕路遷擢

邵曰近君而柔弱能自修治則雖無及物之功而
亦可以无咎矣得之者利于興作革故鼎新此其
爲顛倒于十敗九成之中也否則不測之憂其容
已乎

九五井冽寒泉食 象曰寒泉之食中正也

剛中正而居尊位才德兼善猶井之清冽其寒泉
可爲人食者也 元數他卦叶吉崇剛大之才有

中正之德爲富爲貴不勞心力 元數他卦不吐
清才達士守道安貧時通則不喜時窮則不憂
歲運逢之仕路得志動靜如常或動而不遷或遷
而不動其餘謀望皆有所得

邵曰九五陽剛中正居北方坎水之中功及于物
有其德而契其象也得之者須當經歷險阻然後
發福病心病血之疾所不免也

上六井收勿幕有孚元吉 象曰元吉在上大成也
井至上則功成功成而收事事皆然然在井中則
不可有所限也若幕覆以止來者之來非不窮之

用矣故戒之曰勿幕夫惟勿幕然後見成德之大也元數他卦叶吉才當今德超前古用之則行舍之則藏是以建功立業非小官卑職之施爲也元數他卦不叶恃己之才抑人之德身或富貴心至鄙吝

歲運逢之士子成名宦途遷職設或事久未決者勇于一幹則有成功大槩利動不利靜數凶者變哭喪資斧之凶也

邵曰井道已成不可收其索以便于汲若鍵閉以防汲水之人不見德之所以盛也得之者以陰險

致福圖謀可成凡事宜加勉勿爲中道而止以
廢前功也

革巳日乃孚元亨利貞悔亡。象曰澤中有火革君
子以治曆明時。

澤中非有火之地今有火者是變也高崖爲谷深
谷爲陵此說諸儒以爲確論矣其以治之曆明時
何也曰澤中有火乃宛然寒暑變革之象寒人知
其爲寒暑人知其爲暑寒暑不難明也惟仲冬極
寒之中而陽生仲夏極暑之中而陰生二者四時
變革之大數消息之真機實係于此非治曆以明

之則日月星辰失其度分至啓闢失其候見得古
聖于此甚重故堯典一書言之切也坎宮四世卦
屬二月納甲是巳卯巳止巳亥丁亥丁酉丁未如
生于二月及納甲本命者功名富貴人也

邵曰兌澤在上離火在下火燃則水乾水決則火
滅中少二女合爲一卦而火上中下志不相得故
其卦爲革也然必巳日而後信故其占爲有更革
皆大亨而得其正斯悔亡矣得之者宜見幾更變
不可循習舊敝是君子待時豹變之義革故鼎新
之象也

初九。鞶用黃牛之革。象曰：鞶用黃牛，不可以有也。

革非小事，視六爻之象，知聖人之戒革也。初戒革之早，二戒革之專，三戒革之躁，四戒革之疑，上戒革之過。五者戒革詳矣。然後九五之主，不待占而明也。今初爻當革之始，豈可遽革乎？曰：未可也。當固執之堅，如黃牛之革焉。小象曰：不可以有為者，戒之嚴也。元數他卦，叶吉，才可濟世，遇時多難，不能施設，樂天知命者是矣。元數他卦，不叶自處，卑下拘執不通。

歲運逢之士農工商固守免禍名利二者俱主不實

邵曰初九居卦之下爲革之始是革固而用中順之道以革也得之者出納人口雖曰利于變更宜堅確固守不可有爲聖人之于變革其謹如此若夫意外之來庸弗慎乎

六二巳日乃革之征吉无咎象曰巳日革之行有嘉也

六二中正上應九五之主巳有革之之曰吾乃可以贊而革之矣乃者緩辭也後而不先之謂也惟

其緩而審。故以征則吉。以行則利。元數他卦。叶吉爲中正。文明之大臣。遇剛健中正之大君。立天下之大勛業者也。他卦不叶吉。有才有志待彼求而應之。然後變動則大事吉而有齊也。歲運逢之。棄內從外。改舊作新。朝臣遷職。進上成名。農商技藝皆有事。

邵曰。六二順柔中正。而爲文明之主。有應于上。是可以革矣。然必已日。然後革之。則征吉而无咎。得之者掌權。任事慎則發福。若夫躁急欲速。是乃握苗助長。意中多失。噬臍何及。

九三征凶貞厲。革言三就。有孚。象曰：革言三就，又何之矣。

陽居剛躁于變如是而征進凶之道也。然有當革者在，守正而懷危厲之心，以審其宜。雖當革之時，言至于三，必可成就。如此乃有孚信矣。元數他卦，叶吉剛大之才，正而無邪，躁進有沮，緩圖有成。事見重迭，幹元數他卦，不叶妄動，輕進成破。彰卓立艱辛活計，不一惟有誠信可守。

歲運逢之，閑官有遷，不可遽動。審而後進，則免邪。巽或居言路，上下相信，但非安靜之時，歷艱難之

事士人進取利于再用或得知已薦揚成就規模
數凶者火進而遇澤行躁而過中則殘民損壽矣
邵曰過剛不中居離之極躁動于革者也故占有
征凶貞厲之戒然時當革故至于革言三就則亦
有孚而可革也得之者宜更改用事貴在詳察苟
或輕率冒進而不度時量力無心中信直用人必
有自取之咎

九四悔亡有孚改命吉象曰改命之吉信志也

九四居近君之位與君同德得革之宜其悔自亡
有孚誠之志則改命吉改命者改前之所爲也如

是不但君信之而天下之民皆信之矣。元數他卦叶吉才德之大知前事之不可而改之則人人皆信其志矣其命字爲壽命爲爵命吉兆。

元數他卦不叶先難後易有誠不誕改祖外立生涯耐久。

歲運逢之選人改秩朝仕驟遷僧道庶俗皆有變通。

邵曰以陽居陰故有悔然卦已過中水火之際乃革之時而剛柔不偏又革之用也又必有孚然後革乃獲吉得之者雖曰盛矣奮身獨立其有助乎。

故必退閑以求自逸之計又當更變以成革故之功斯悔亡矣

九五大人虎變未占有孚 象曰大人虎變其文炳也

夫革之爲卦下艸所革者在事上艸所革者在人
大人虎變是已虎者毛蟲之長君象也所謂雲龍
風虎萬物咸覩聖人出乎天位真虎之變化其文
煥炳光明盛大有生之類莫不信從豈待占筮而
後乎也 元數他卦叶吉出世奇才當時重望早
登龍虎榜晚入鳳凰池特餘事耳 元數他卦不

叶福力之厚聲價之高見事無疑心立身不負志
歲運逢之士人成名朝臣大用惟不利陰命與老
者幼者必見驚憂灾青也其餘人事俱有光榮
邵曰九五以陽剛中正爲革之主威而有文不待
占决而信也得之者賦性剛直威至風聞更宜變
更名利斯發文彩服人光輝溢物機會之來盖有
不得而知者矣

上六君子豹變○小人革面○征凶○居貞吉○象曰君子
豹變其文蔚也○小人革面順以從君也○

上六革道已成○其君子如豹變而文蔚○小人亦順

而從君。若更進征而治之。則凶。惟居守貞固。則吉也。元數他卦。叶吉。得時得位之君子。不出則已。出則爲正臣。立大功業。然功成宜退。則無後患矣。元數他卦。不叶吉。恃勢強貪。不知止。必遭凶禍。惟改過自新。固守可免。

歲運逢之。未見名利者。則有成就。已見名利者。則宜退守。勇進則凶。守正則吉。小象其文蔚也。爲文書薦剡之榮。又順以從君。不但臣從君。婦女從夫者亦是也。

邵曰。君子如豹之變。小人既革面以聽從矣。不可

以往而居正則吉。得之者發福發財。議論風采過人。遠矣。苟或輕于更改。自取多事。宜防陰人小口之災。

鼎元吉亨。

象曰：木上有火，鼎。君子以正位凝命。

六十四卦獨鼎卦之象曰：鼎，象也。蓋卦之形肖鼎之形也。以列足而載一腹，以一鉉而貫夫耳。六畫俱鼎之形。曉然矣。合二體言之，以巽之木入離之火，而烹飪之用著矣。有鼎之用，備鼎之德。君子觀此象，以之端正其所居之位，而凝重其所受之命。要如鼎形，端正安重，凝然不動之義也。離宮二世。

卦屬十二月納甲是辛丑辛亥辛酉己酉己未己巳如生於十二月及納甲本命者富貴人也

邵曰上離下巽為烹飪之具鼎之象也故初為二三為腹五為耳六為鉉至尊至貴至樂如鼎故大吉而亨也得之者何憂事擾而慮災危陰中有救申福自天上人刮目在所必有然而中正滿盈之戒可弗審乎

初六鼎顛趾利出否得妾以其子无咎象曰鼎顛趾未悖也利出否以從貴也

鼎下體之巽乃兌之反也兌為口向下顛出否惡

而取新之象。考卦自革至鼎。非小事也。革亂世爲治世也。反兌爲妾。初父之陰。乃良妾也。應四之陽。爲子。子者主家者也。如得良妾。則可保子之无咎矣。元數他卦。叶吉。文章學問。特餘事耳。且能損已益人。去邪輔正。革前人之弊。以新天下之治者也。元數他卦。不叶。或改祖外立。先逆後順。或名輕利重。有妾有子。

歲運逢之。去舊改新。不宜守靜。或遷職。或成名。或見妻妾。或生男女。憂者自喜。賤者自貴。

邵曰。趾下體。今反上。則鼎覆矣。然不覆。則不能去。

其否而納其新故雖覆之苟因其顛而出之則爲利矣如妾本小又得其子以居尊也得之者舍舊從新改更用事恐難爲妻室必得助主之妾先備而後正宜有庶出之子也

九二鼎有實我仇有疾不我能即吉 象曰鼎有實慎所之也我仇有疾終無尤也

九二之剛上應六五爲有實其三四之陽必懷不平爲仇而疾我我惟使其不能來即我則吉如此謹其所即則終无咎也 元數他卦叶吉有陽剛之才德勝大臣之正位如鼎中之有實可薦諸上

帝可羞諸王公可飽夫天下以所謂宗廟之重器者是也元數他卦不叶吉者其心正大其德端重常嘆道之難行或是稟性朴實或財賦充足也但多招謫議宜固守不可輕舉妄動則無禍矣歲運逢之在仕顯者不防邪議爲我之禍預宜修陳利害士人進取只宜自己固力有成若兼他人則拙常俗營謀有称心亦防外擾下人欺筭或有小疾一本云棄內從外改舊作新朝臣遷職進士成名農商技藝皆有喜事

邵曰以剛居中陽有實之象也我仇謂初陰陽相

求而非正則相陷於惡而為仇矣。二能以剛中自守則初雖正不能以就之矣。得之者財祿豐盈。雖有婦人妬忌之仇。非災橫咎之事。終鮮為害。宜謹慎為好。

九三鼎耳革。其行塞。雉膏不食。方雨虧悔。終吉。象曰：鼎耳革。失其義也。

其耳與雉膏皆指六五言也。上有九四塞其賢路。使九三道不待行祿不得食。然五位明主也。四豈能終塞之乎。方來和為雨矣。先雖悔而終見吉。元數他卦叶吉。大德大才足以為國家之重器。然

有不正之人在上塞其路而不能前雖得大用亦招謗忌不能全美則失其忠孝之義矣

元數他卦不叶或貴而不歷任或富而多成敗或耳之不聞足之不行或失仁義或先難後易

歲運逢之仕路艱難先晦後明選人難改秩士子未成名老者受福少者謀親其餘營求或得或失是非相半

邵曰以陽居鼎腹之中本有美實然以過剛失中為變革之時故耳革而不可移有雉膏之美不得為人之食苟能自守則陰陽和而亡其悔矣得之

者初雖忤物終則合人名利難求命途多塞所宜奮志藏脩胡可笑談終身

九四鼎折足覆公餗其形渥凶
象曰覆公餗信如何也

九四以陽處陰德已薄矣以近君之大臣下應初六陰柔之小人已力勞矣與小人而同事必與小人而同禍也此其所以折足覆餗而沾濡其身矣信任小人其禍將何如哉
元數他卦叶吉為大臣信任小人為事必有累已之禍
元數他卦不叶有才無德忌正信邪恃強為事事成則失或破

祖外居聚散無定遭危惹愆皆由無信實也

歲運逢之官職防失或生足疾或損金帛諸事宜
謹數凶者壽危也

邵曰九四居上任重者也而下應初六之陰則不
勝其任矣得之者雖可上達苟無福以來之必致
中輟之咎更宜輔助得人弗妄進為無虞

六五鼎黃耳金鉉利貞象曰鼎黃耳中以為實也

陰偶之畫象耳之虛也鉉者陽剛之物以上九為
玉鉉以六五為金鉉能貫其耳則鼎可舉也黃言
中金言剛貞言正利言為天下之利六五黃耳之

虛能受九二金鉉之大臣為實中而應剛君臣調和則天下無不利也。元數他卦叶吉德重位尊虛已納賢以列三公之位。元數他卦不叶有名有利不驕不傲待人接物和氣春風。

歲運逢之入仕之吉兆多矣。鼎三公之象黃甲黃堂黃榜金魚金榜金紫太中中奉給事中中書省者皆是也。僧道住持商農獲利。

邵曰五虛中以應九二之堅剛其象如此而利貞固而已得之者安富尊榮依人而得面謀固不可無清修方可發福否泰相極。

上九鼎玉鉉大吉无不利。象曰：玉鉉在上，剛柔節也。

六五下應九二，在位之大臣，故為金鉉，粹於剛也。上九不在位之大臣，故為玉鉉，王者質剛而德柔，溫潤故也。故曰剛柔節也。言剛而非剛，柔而非柔，皆中節也。夫如是，豈不大吉而無不利乎？先儒有曰：雨既濫而後歸，鼎既薦而鉉除，然則上九者功成身退之大臣也。元數他卦，叶吉為富為貴，進知退左選則入玉堂，右選則為建節，又為麾節，婦人可為節，婦命婦。元數他卦不叶，名清望重。

退隱岩谷或爲工商農技亦有聲譽

歲運逢之未仕者入仕已仕者求閑其餘皆吉常俗人事皆得安穩也無有恐懼矣

邵曰體剛而用柔有溫潤之質不爲炎燥所變故以玉爲鉉而鼎道成矣故吉如得之者發福發財何事於卜不惟已之所以資人成事人亦可以資已成業雖有凶危終當獲吉

震亨震來虩虩笑言啞啞震驚百里不喪匕鬯

象曰洊雷震君子以恐懼修省

兩雷相繼爲薦君子觀之以之處事必恐懼以先

之修省以繼之。修省者恐懼之用功也。修其身省其過則無恐無懼矣。震宮六世卦屬十月納甲是庚子庚寅庚辰庚午庚申庚戌如生於十月及二三四五六七八月得時及納甲本命者功名富貴之人也。

邵曰一陽居二陰之下有所不堪斯其發怒則其來齟齬笑言啞啞震驚天下不失其長子也得之者一生勞苦變動無常傷患險阻在所經歷。

初九震來齟齬笑言啞啞吉。象曰震來齟齬恐致福也。笑言啞啞後有則也。

震動而惧則亨。惧者敬也。惟敬則無惧。非不惧也。惧乎始而終乎敬也。當天下之大事。震動而未。吾當兢兢恐惧。必求其所以應之。使大事為無事。也。斯可以轉禍為福。轉惧為喜。而笑言啞啞矣。蓋執七以主祭者。一敬之外無餘念。一毫之外無餘物。當是之時。白刃前臨。猛虎後迫。皆莫之覺。故震雷驚百里。亦莫之聞。敬有所甚。惧有所忘也。能如是。天下可惧之大事。孰能驚之乎。其出而主宗廟社稷。優為之矣。元數他卦。亨。稟至大至剛之才。威望服衆。出為朝廷任事。功高千古。名標四

夷者也。元數他卦不叶先涉艱難之事後受安
靜之福。兼卦失時者則啗啞爲患。

歲運逢之先憂後喜。取利求名有一鳴驚人之兆。
或作縣宰或作社令主祭或虛譎或進喜氣謀用
皆吉。

邵曰此爻居震之初爲震之主。故震之來恐俱不
安。故能保其安吉而喜得之者先憂後樂。雖有虛
驚不爲大害。

六二震來厲億喪其躋于九陵勿逐七日得。
象曰震來厲乘剛也。

六二因初九之猛厲勃然而動驟然而來何可當也。六二才位俱柔惟能以柔避剛以靜制動遠避而勿逐俟之久而剛自衰則吾無喪而有得矣。元數他卦叶吉俊偉之才中正之德度勢而進知幾而退事變驟來心能靜應使大事爲無事者也。元數他卦不叶多惧多疑破祖傷親或隱山林喜靜怯動有意事阻無心事成。

歲運逢之彼事速來此心緩應先失後得動險靜安幼者心驚老者壽險蓋喪字陵字故也。

邵曰六二乘初九之剛故當震之來而危厲也。又

當其貨貝而升於九陵之上。然柔順中正。足以自守。有不求而自獲者也。得之者平生所遇惡人所遭橫逆。所宜謹慎。恐懼。何敢肆志。昌言財物破傷。率所當見。

六三震蘇蘇。震行無眚。

象曰震蘇蘇位不當也。

神氣緩散。蘇蘇是也。三位不當。故有如此情狀。三能自震懼。憚然于心。不以富貴利達為樂。不以驚危貧賤為憂。所行如此。則無眚矣。乃震行是也。元數他卦叶吉。進德修業。改邪歸正。常畏常謹。不威不屈。素位而行。清名自起。元數他卦不叶。

懦不立驚恐失志進退無定名利皆虛縱有遭遇才不称位惟宜固守則無禍矣

歲運逢之亦如是也切切畏謹則免災危若在仕路顯者斟酌時宜得免人事猜忌

邵曰以陰居陽當震時而居不正是以蘇蘇恐懼之甚以其位之不當也敬而順之則无咎矣得之者門戶人口蹇滯不寧變改無常憂勞執甚惟能側身謹順方可無災

九四震遂泥。象曰震遂泥。未光也。

以九居四。非中非正。陽險於陰。故曰泥也。至剛屈

於至柔至健撓於至弱方直大之體而陷於陰邪
偏諛之習使本心之中未見光明矣元數他害
叶吉猶可執守剛健以爲正終難施設數卦不
叶心術卑小乖失正道塵林汨沒生涯淡泊者也
歲運逢之事有阻滯未見真實擇善良遠邪佞則
免禍求名望利俱不宜速

邵曰以剛處柔陷於二陰之間不能自震也得之
者拘於分量困於小人身處危疑之間事涉是非
之際裁修恐懼容少逸乎

六五震往來厲億无喪有事

象曰震往來厲危行

也其事在中大无喪也

六五以柔處中能知恐懼自危其行于往來之間不敢湏臾有失則不喪其所有之事矣天下之莫善于中中則不違正正則必合中也 元數他卦叶吉者清才重德深思長慮世有治亂心不轉移身雖往來事未喪失遇時行道足以立大功業者也 數卦不叶常憂常慮奔馳四方動則有危危中有得惟存中直自有成立

歲運逢之動靜有碍與其動而喪吾所有不若靜而保吾之所安

仕途顯者則遷擢無定其中大字乃官職兆也。敵
凶則有手足驚危憂戚之事。蓋危厲二字應兆也。
邵曰以六居五而處震時無時不危也。以其得中
故无所喪而能有事。得之者進退之間成敗所係
所宜量度時勢斯无咎矣。

上六震索索。視矍矍。征凶。震不干其躬。干其鄰。无咎。
婚媾有言。象曰震索索中未得也。雖凶无咎。象
鄰戒也。

上六與六三相應為鄰。上之陰柔動極其震惧也。
志氣索然而消靡。瞻視矍矍然而彷徨。又征進則

凶矣惟其震懼之則不干禍及其躬之時而于方
及其鄰之時若能先懼之則无咎矣婚媾有言亦
謂六三之鄰也元數他卦叶吉其才其德皆出
人上但彼之未動此之先憂又能靜以制動事自
无凶尊重威嚴衆下欽仰元數他卦不叶不知
謹畏恃強凌弱終有凶禍或夫妻不和狀貌可畏
活計蕭索

歲運逢之靜則吉動則凶朋友猜忌夫婦相刑求
名望利未見成就但宜謹畏則無失也

邵曰以陰柔處震極故爲索索雙雙之象以是而

其凶必矣。然能當其震未及身之時，恐懼修德，可无咎也。待之者優，艱歷險所當固守，以俟未幾，弗可欲速躁進，以取疑惧。其于婚姻，口舌琴瑟失調，所當謹之。

艮其背，不獲其身。行其庭，不見其人。无咎。
象曰：兼山艮，君子以思不出其位。

大哉止乎！自天子達于庶人，凡尊卑長幼莫不各有其位。是謂大分。是謂天則。一有越乎其位，越乎其思，則是意起念動而出位矣。君子無終食之間，離仁不出乎位故也。其他如日至月至，三月不違。

雖工夫淺深不同其未免有時而出位則一念潛
潛熾熾以至僭篡爲亂賊爲桀紂主幾于一念其
端微其勢有漸只在出位上也舜大聖人而出告
之以安汝止況他人乎艮宮六世卦屬四月納甲
是丙辰丙午丙申丙戌丙子丙寅如生於四月爻
納甲本命者功名富貴人也

邵曰艮其背不獲其身者止而止也行其庭不是
其人者行而止也動靜各止其所而皆主夫靜屬
所以得无咎也得之者柔性不受觸犯生性集立
孤身早見傷尅前途多蹇險阻在所必經朋友何

常見助

初六艮其趾无咎利永貞。象曰艮其趾未失正也。

初六止之初也。居足腓之下。趾之象也。以初六之柔而靜此趾之止而不行者也。聖人戒之曰汝能止其初猶能止于終。故曰利永貞止于終之謂也。元數他卦叶吉心靜而明身止而安習之于初行之於終用之則行舍之則藏不貪高而妄作之貴人也。數卦不叶所習卑污動靜不常力之未及身先行之終有失矣。

歲運逢之事宜謀始則保其終求名者自此而進

階求利者亦有所獲

邵曰艮其趾止于動之初也此文明出處進退之機悟消長盈虛之理凡事不宜妄有所爲靜以守分非惟全中正之道蓋亦可免不足之咎矣

六二艮其腓不拯其隨其心不快象曰不拯其隨未退聽也

六二中正在下腓之象大臣之位也大臣者以道事君不可則止然九三在上股之象恃剛強而居上使二之不得上進應五今二不得已隨之非樂隨也外不得不隨而中不得已也故心不快未退

聽言是雖不得已而隨亦未肯退聽其上之輕重也元數他卦叶吉中正才德識見甚高有志事君其道難進危於權臣心常不樂然中道終明終爲後世矜或者矣數卦不叶心無定見邪正相混或親近尊賢或侍立執幹貪求不足驚之反怒歲運逢之未就於正先獲於偏或奔馳他郡或榮後此心又當推其老幼高低如何或爲足疾或爲心疾或爲耳疾其餘求謀皆未能全遂志也邵曰三爲限則非所隨也而過剛不中。以止乎上二雖中正而体柔弱不能往而極之是其不快也

得之者所行不遂所欲難求惟可因人成事更防
忌疾之憂

九三艮其限列其夤厲薰心
象曰艮其限危薰心
也

九三在腹股之交動靜閑紐所謂限也剛據夫中
止而不通截成兩段分裂不聯而危厲薰灼其心
止非其所莫甚于此今三之所爲阻隔正路使上
德無以下達下情無以通上誤國危君其勢必至
罪豈逃乎
元數他卦叶吉必爲大臣主大權弄
柄一片貪心老不知止
數卦不叶家誠金穀

起強橫惡事常行善緣不作

歲運逢之仕途顯著擢要津處邊間選人立班
秩士子前列成名又當看老幼輕重或心病或眼
患或腰疾或阻碍

邵曰以過剛不中當限之處而艮其限則不能屈
伸而上下判隔如列其當危厲薰心不安之甚也
得之者關心之憂難免意外之擾不無時常損損
骨肉相殘離群索居而分憂者何人思患預防而
過流者有素雖可少康事終難補

六四艮其身無咎 象曰艮其身止諸躬也

六四正居近君之位用正道於一身身之正則灾
正國正天下正故无咎也 元數他卦叶吉者胸
蘊俊偉之貞才身任安危之大事施功于人不利
于已 數卦不叶改祖違親孤身獨立或爲工技
或爲僧道雖歷艱辛却無陰禍

歲運逢之事來臨身亦合退靜岩谷求名利必得
轉身

邵曰以陰居陰時止則止故艮其身之象而得无
咎也得之者身止于靜是乃物外之人守正不妄
此其臨危有救淹滯險阻先當見之成就亨嘉後

斯得也

六五艮其輔言有序悔亡。象曰艮其輔以中正也。

六五君位爲一卦之主當慎於一話一言一類一笑若輕發無序則爲悔矣爲禍爲亂有不可得而止矣執中道自守者不輕於言言必中節

元數他卦叶吉爲輔相爲言路爲序班爲庠序爲太中中書省中奉給事中。數卦不叶或是吟詠

性情或是游談煩舌或得親朋輔助而立活計也。歲運逢之入仕路地步高者必見大拜矣先退閑者必可入朝蓋輔相之起序也在仕未顯者其正

言言路之除又看君子小人高下或爲唇吻爭訟之事如士子進取一言而合有引則科名成就矣老者則不宜動動則見厄幼者小兒亦防災也邵曰五居君位艮止輔頰言不輕發發則有序何悔之有得之者言語不失其序動靜不失其常可爲一世之師更鮮中輟之擾僧道得之必爲講教之

上九敦艮吉

象曰敦艮之吉以厚終也

上九至高至厚之德非一日之所積也敦厚於終得止道之至善所以吉也元數他卦叶吉高風

勁節剛健篤實如泰山嵩岳之巔其止豈可搖其
厚豈可移哉足以爲大貴人標準當時者也
卦不叶有誠實不浮華或田業之廣或壽筭之高
歲運逢之仕途遷職農家進業士子成名常人獲
福

邵曰以剛正居止之極敦厚於止者也待之者衆
山喬嶽靜厚如之故其泮渙優游於蒼松晚節之
際是以亨福未艾而有終也雖然盛滿知止之旨
其容苟平

新火歸吉利貞
象曰山上有木漸君子以居賢德
河各數
下

善俗

山上有木因山而高非人所值則聽於天而無所用其力以至參天拂雲豈一朝一夕之故日復一日駸駸以長漸而不驟最可驗也君子以之善俗不可以遽革也但居其賢德久而不變始有漸化之理在我之善若無定守而欲改俗之善者未之信也艮宮三世卦屬正月納甲是丙辰丙午丙申辛未辛巳辛卯如生於正月及納甲本命者功名富貴人也在冬則及時爲福力重能知時識勢邵曰止於下而巽於上爲不遽進之義有女歸之

象焉。又自二至五。位皆得正。故女歸吉也。待之者。難進易退。賦性安恬。事業功名。由漸而立。人雖率。畧。心有機謀。其惟春秋二時。爲得地也。

初六。鴻漸於干。小子厲。有言。无咎。象曰。小子之厲。義无咎也。

鴻雲飛水宿之物。始進則漸于水涯之江干。有如君子在下而進。或自抱閼繫柝而升。或自乘田委吏而升也。其有匹夫孺子。如燕雀焉。知鴻鵠之志。或歆厲而危之。或有言以毀之。爲君子者。付之。莞爾。勿咎之可也。非不咎也。其義不足咎也。以鴻

爲君子以小人爲他人取義然又有一說如鴻在江干水宿之時衆鴻瞑目則有一鰲衆者俗語鴈奴是也故曰小子蓋防患有道雖危而有驚之者則无咎矣 元數他卦叶吉有清才賢德入仕後漸而有次序非但登科第且入言路爲去邪逐佞之忠臣也 元數他卦不叶起立生涯自微積累或涉艱難或憑賴舌有如小子不可獵等如此當漸自水涯而遽高峯豈分之宜乎

歲運逢之士人從此有入仕之階矣已入仕者或作正言皆是也又當看其他數卦美惡亦爲公訟

論謫或先條陳利害或上言求見尊上大槩先憂
後吉

邵曰鴻之行有序而進有漸干水涯也始進於下
未得所安而上復無應則爲小子厲雖有言而於
義則无咎矣得之者謙遜自守範律自持惟修己
以俟時斯免躁進之失固雖有人口之進必須有
人口之揆

六二鴻漸于盤飲食衎衎吉
象曰飲食衎衎不素
飽也

進不以漸皆生於不能安分一不安分則有喪身

破家何可言哉六二中正正應中正大君先自干而至于盤石之上高而安矣飲食衎衎和樂而吉也。雖然非徒飲食以自飽而已其共天職食天祿心無可愧面無可赧方得謂之衎衎也。

元數他卦叶吉才高望重足以置國家於盤石之安納君民於和衎之樂也。元數地卦不叶飽食煖衣鄉黨善良或處岩谷或遊江湖。

歲運逢之爲光祿爲祭酒爲鹿鳴瓊林之宴又爲金穀厨傳之事不一而足也。

邵曰柔順中正上應九五之君君臣相逢人君以

飲食養賢。衍衍然作樂而獲吉慶也。得之者食人之祿。則懷人之憂。衣人之衣。則思人祛之患。非素餐肥家者之可比也。且受知於上人。圖謀可遂。而有飲食宴樂之喜。則其於前程正始。克溢嘉兆。不一而足。

九三。鴻漸于陸。夫征不復。婦孕不育。利禦寇。
象曰。夫征不復。離群醜也。婦孕不育。失其道也。利用禦寇。順相保也。

天下之理止極者進必銳。伏久者飛必高。九三居艮之上。止之極也。壓于巽下。伏之久也。以陽居陽。

進必銳飛必高矣自干自盤一飛而至高平之陸其知進好高不復回顧初六六二之群類故曰離群醜也六四非類在上亦必合縱合爲婦孕而不育聖人戒之曰汝何不正汝心明汝目而察之初與二汝之類也四汝之寇也汝盍和順汝之類而相與扞禦汝之寇乎故曰利用禦寇順相保也元數他卦叶吉有才有德能以立高而處卑身進而且退則無過失之禍矣男命傷妻女命傷夫或子女不育或文中成名而武中立功 數卦不叶或離祖而居外鄉或棄文而就武并自高自大不

戀親朋刑妻赴子事有乖遠

歲運逢之靜吉動凶有名防失有利防虧聞喜不
喜只宜固守則免公訟驚危之事人情不睦之兆
邵曰九三過剛不中而無應其占以夫征則不復
婦孕則不育凶莫甚焉然以其過剛也故利禦寇
得之者處事不能待時多失于躁急高飛遠舉之
志所以不終遂也男子不得其正宜出外鄉正嫡
有孕難乎其育先見螟蛉或生庶出斯可望矣
六四鴻漸于木或得其桷无咎 象曰或得其桷順
以巽也

鴻水鳥小曰鴈大曰鴻冬自北而南來非但水宿
雲飛亦能栖于高木之上愚常親見之先儒謂之
不木棲必是失考究也鴻漸于木其進已高逼乎
君矣易於致咎然居陰得正爲巽之主能順以巽
位雖高而卑退自處有或得楠之象至此地位能
處於卑退者寡矣 數卦叶吉德重而能謙位高
而能退爲大貴人也 數卦不叶常見憂惧生計
艱苦進退無定惟宜謙卑固守庶可免禍
歲運逢之士登秋科可望鶚荐或發解也常人利
修造則無人口驚憂仕途遷除未定或是兼用之

事不一之兆

邵曰六四乘剛而順巽故曰鴻不木棲或得平柯則可以安矣得之者誠信待人謙卑自守苟非姤附大貴何得亨通

九五鴻漸于陸婦三歲不孕終莫之勝吉象曰終莫之勝吉得所願也

九五最高如在丘陵也與六二之婦相應而猶有三歲不合不成者也何也蓋五欲親二而有三間之二欲從五而有四間之則五二之計不交故曰不孕也然二五皆具中正之德豈他人能間之哉

必三歲之久而自合也彼不能勝此之志願得矣
元數他卦叶吉豈惟位高於丘陵哉其功業之高
亦如丘陵矣未免先難後易或施忠言正論而
阻于邪議者多矣數卦不叶有清奪而處岩谷
或幽居而豐粟帛必先克陷而後不孤

歲運逢之入仕之地步已高者亦多毀謗先暗後
明未入仕者名將成也又看老少之人及他卦如
何老或損壽幼或難養數凶則堊丘陵矣

邵曰九五居巽六二正應在下而爲三四所隔然
終不能奪其正也故其象如此而占者若是則吉

也得之者富貴福澤因人而成婚姻謀爲因人而阻意者天相吉人未爲害也

上九鴻漸于陸其羽可用爲儀吉○象曰其羽可用爲儀吉不可亂也○

上九與九三不同九三漸于陸躁于進也雖平而高上九漸于陸安于進也雖高而平何也自于自盤而至陸則其高爲驟自陸自木自陵而復至于達則其進爲退蓋以陽居巽極其位彌高其心彌下其進彌徐其退彌遠其羽翼翔集截然不亂豈不足以高出一世而爲天下之表儀乎○元數他

河洛數 下經中
卦叶吉必爲如此之貴人矣 數卦不叶或爲山林之高士或爲鄉黨之吉人有德有言高下欽仰歲運逢之朝臣大拜足爲天下之儀刑士子成名則有冲天之吉兆選人改秩幼者結親工商農技俱有變通

邵曰上九至高出乎人位之外而其羽毛可用以爲儀飾位雖極高不爲無用之象如是則吉也得之者立性果銳志氣凌雲才德過人衆所欽服抑且人口進加上人極用僧道則爲領袖常人必是高人
二萬六百一拾二字